

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 17. Num accusatus absolutus, vel condemnatus denuo de eodem
delicto accusari possit.

[urn:nbn:de:hbz:466:1-73982](#)

De Accusationibus, Inquisitionibus, Denunciationibus.

11

Quæstio 17. Num accusatus absolutus, vel condemnatus denuo de eodem delicto accusari possit?

1. *R. Esp. Accusatio criminalis legitimè instituta, de eodem crimine, à quo quis semel absolutus vel condemnatus fuit, regulariter reiterari nequit; ita quoad substantiam, juxta L. 6. b. t. L. licet, ff. naute, cap. & L. 41. ff. de pœnit. Clar. §. fin. q. 17. n. 1. Covar. L. 2. var. c. 10. Fatin. pr. crim. q. 1. m. 51. Pirk. b. t. n. 24. Lauterib. in ff. b. t. §. 10. Marant. spec. aur. p. 6. Barbos. in cit. c. 6. n. 2, citatis plurimis; quia de eodem delicto hominis sibi plurius queri non debet cit. l. licet, cum aliis rei legitimè absoluti innocentia nunquam tutâ esse posset. Ad hæc temper acculare iteratò volenti, obstat exceptio rei judicata; quin & cum accusatio criminalis respiciat publicum interesse, adeoque competit collectivè omnibus constituentibus rem publicam; ita facta ab uno totum jus omnium deducitur in judicium, à quo per sententiam absolutioriam superatur accusatio. Unde hac iteratò in judicium deducâ prejudicatur resip. & omnibus eam constituentibus. Donell. in L. 63. de re judicata. Hæc responsiorum clausulis limitata, quoad singulas dilatarunt.*

2. *Dixi primo: actio criminalis seu criminaliter instituta ad vindictam publicam. Contrarium siquidem est, de accusatione civili seu tendente ad privatum solum interesse, v. g. ad injuriam vel damna relacienda, dum ea factâ & vi illius condemnato reo, locus adhuc est actioni & accusationi criminali ad vindictam seu pœnam (intellige tam ab injuria, quam tercio aliquo) Marant. l. c. n. 89. cit. alisis Pirk. b. t. n. 26. Wiestn. b. t. juxta l. c. quando cœl. al. præjud. crim. Nisi tamen accusatus civiliter fuerit absolutus, quia delictum vel commissum non est; vel commissum non est probatum; tuncenim nec criminaliter, nec civiliter accusari potest, quia competit accusato exceptio rei judicata cit. l. 9. junctagl. v. ab alio. Abb. in c. de his. Felin. ibid. n. 8. Marant. Pirk. LL. cit. quia, si crimen commissum non esse plenè probatum est, absolutus ab eo, à nullo amplius accusari potest; quia tum respectu omnium commissum non est.*

3. *Dixi secundò: de eodem criminе; quia absolutus ab uno criminе de alio etiam orto ex eodem facto accusari potest, ut constat ex L. 9. c. qui de criminе. & ibi Brunnem. n. 6.*

4. *Dixi tertio: accusatio legitimè instituta; qualis, quia non est instituta ab eo, qui legitimus accusator non est, v. g. ab inimico, utpote qui ob inimicitiam, quæ finita accusatione remanere censetur, ab accusando repellitur, saltem jure canonico, potest ab alio, qui talis non est, reiterari accusatio juxta jus canonicum; juxta jus verò civile, quo non repelluntur inimici ab accusando, potest etiam à priore accusatore, qui in priore accusatione remansit inimicus, accusatio reiterari. Marant. L. c. n. 53. ut etiam reiterari potest, saltem ab alio, si libellus à primo incepit conceptus fuit, cum in his casibus, repulso accusatore, reus non à criminе, sed solum ab observatione judicii absolutus fuerit. Pirk. b. t. n. 25. citatis Covar. L. 2. refol. c. 10. n. 1. Abb. Felin. item Wiestn. n. 50. Reiffenst. n. 44. juxta L. 3. ff. b. t. can. 14. caus. 3. q. 1. juncta Gloss. ibidem V. abolitione. Idem est, dum prior accusatio instituta non fideler, accusatore nimis prævaricante aut colludente cum accusato, dum nimis quis assumere personam accusatoris, addu-*

cere que probationes falsas, vel infirmas, ob quas accusatus absolutus cum clausula, ne ab illo amplius accusetur; in hoc siquidem casu commissæ prævaricationis & collusionis, & per eam latæ sententiae ab solutoriæ, potest reiterari accusatio ab alio, qui doceret de prævaricatione & collusione, aut saltem judicia ejus sufficientia afferret; qualia sunt inter alia, si accusator converatur cum accusato; si post litem contestat neque accusator, neque accusatus comparet in termino à judice statuto, ut ex Abb. in c. de his. col. fin. ait Marant. l. c. n. 51. atque ita juxta cap. fin. de collus. deteg. l. 3. §. 1. ff. de prævar. L. si quis homicidii c. b. t. Docent Abb. in c. de his b. t. n. 8. Covar. l. c. limit. 1. Clar. cit. §. fin. q. 57. n. 5. Reiffenst. n. 42. Wiestn. n. 50. ex ea etiam ratione, quod dolut primi accusatoris, obstat non debeat secundo, pro quo acculare volente est favor publicus, ne delicta maneat occulta.

5. *Dixi quartò: absolutus per sententiam (intellige absolutioriam definitivè à criminè) nam primò, si, dum actum criminaliter, reus absolutus fuit per viam exceptionis quam reus in judicio proponit, non, ut non puniatur, sed ad hoc, ut testis, vel accusator repellatur à testificando vel accusando, casu quo absolutatur accusatus, potest is denudus accusari. Wiestn. l. c. Reiffenst. n. 46. Marant. l. c. n. 85. citatis Bald. in l. nbi falsi. c. defalsis. Felin. in c. de suis. b. t. v. 3. Idem dicit de condemnato viâ exceptionis, si ei non irrogetur pena ordinaria per legem inducta, sed mitior: quia tum, cum delictum non fuit sufficienter punitum, agi possit denuo, ut puniatur pena ordinaria; adeoque contrarium dicens, dum quandoque irrogari pena ordinaria solet per viam exceptionis, & sic irrogata est. Secundò dum actum est de criminè per viam denunciationis evangelicæ, potest iterum inquiri, & delinquens accusari ad pœnam ordinariam, cum per hanc viam agatur tantum, ut delinquens emendetur, non ut puniatur. Covar. l. c. Abb. in c. de his. b. t. n. 5. Felin. n. 3. §. 4. Marant. l. c. Secus tamen est, si judex præcessit ordinariè, imponendo pœnam legitimam, idem dicunt Covar. l. c. limit. 8. & alii, dum actum de criminè via inquisitionis; quorum tamen utrumque negari rectius à Claro cit. q. 57. n. 8. Decian. træsl. crim. l. 3. c. 30. n. 5. §. 6. ait Wiestn. l. c. propter præxim contrarium, & quod tam inquisitio, quam denunciatio ad vindictam proposta succedit loco accusationis. Tertio & principaliter, dum reus liberatus seu absolutus est per viam transactio- nis; nam si transactio accusatorem inter & accusatum invalida fuit, potest reus tam à primo accusatore, quam ab alio rursum accusari; tamen si accusatio instituta neque amplius ab eo, cum quo transactum, potest tamen ab alio fieri instituto novo processu, utpote cui prior accusatio præjudicata non poruit. Abb. in c. de his. b. t. n. 3. Felin. n. 3. limit. 2. Covar. l. c. n. 5. Marant. l. c. n. 55. Pirk. n. 25. limit. 5. Clar. §. fin. q. 57. n. 6. Wiestn. n. 52. Unde cum multò magis possit judex non obstante transactione inquirere in casibus, in quibus transactio fieri non poterat in præjudicium filii, ut Marant. l. c. non tamen potest tertius ille accusator prodere illum, & cœptam instantiam prioris judicij præsequi, aut judex inquirens ex eo condemnari, cum vi transactionis valida seu facta in iis, in quibus fieri permista, processus prior sit & maneat extintus quoad omnes; ita ut juxta dicta opus sit novo processu, securus se res habet si transactio facta fuerit in non-permissis à jure, in quibus tam accusator novus quam judex potest præsequi*

processum eundem. Marant. l. c. dicens hunc esse effectum transactionis in criminalibus, nimurum in casibus permisso, impeditre prosecutionem ejusdem processus, non verò alium initiari ad inquisitionem judicis, vel ad instantiam tertii accusatoris & exclusionem transligentis; citatis pro hoc Bart. in l. transfigere c. de transact. col. 1. in fin. Alex. ibidem & abb. inc. de his. b. t. col. fin. idemque dicens, ex mente tamen potius alterius, de casu, quo Princeps accusante offensio, & accusatione pendente generale indulgunt fecit de omnibus delictis, nimurum parte offensa concordata, ut tunc non obstante tali indulto judex ex officio prosequi possit. Postò prædicta procedere quoque de transactione circa privata delicta, tradit idem n. 57. & 58. sic in specie: si passus injuriam in suam perlonam ante vel post accusationem remittat ei injuriam, non quidem ipse offensus, sed offensi consanguineus, possit adhuc accusare offendentem ex ea etiam speciali ratione: quodq; injuria facta uni, centerur facta omnibus de ejus cognatione, juxta L. lex Cornel. ff. de injur. & ibi Barth. col. 2. in pr. Verùm de hoc postremo vide eundem pluribus, & dicenda à nobis paulo post.

6. Dixi quintò: in eodem foro; nam primò accusatum à sciplo. & ab solutum à sacerdote recepta & expletâ salutari pœnitentiâ, nil verat denuo accusari ab alio & puniri in foro externo; quia in foro conscientiæ facta accusatio & punitio non est ad vindictam & reipublicæ per crimen læsæ satisfactionem, sed ad reconciliationem cum DEO per peccatum offenso; Unde, cùm haec accusationes & pœnæ tendant ad diversos fines & effectus, una per aliam non tollitur, idque etià à sacerdote facta absolutorio est publica; ita ex communi & certa præxi, Glos. in cit. c. de his. v. replicari. Abb. ibid. n. 3. Covar. l. c. n. 3. Clar. l. c. n. 10. Marant. l. c. n. 87. Pith. b. t. n. 27. sic quoque per susceptionem baptismi tollitur peccatum, omnisque pœna temporalis infligenda à Deo, non tamen per hoc impeditur, quo minus baptizatus accusari in foro externo possit de crimine ante baptismum commissio, & deluper condigne puniri. Abb. l. c. n. 5. Covar. Pith. l. citatis. Lauterb. ad ff. b. t. §. 12. contra Felin. in cit. c. de his n. 8. & alios quosdam. Huc etiam referendum, quod tradit Marant. l. c. n. 88. nimurum quod, dum offensus in foro anime remisit sibi illicitam injuriam, possit adhuc accusare offendentem suum etiam criminaliter, sive in ordine ad pœnam legitimam & vindictam publicam, eò quod censeatur solum odium & rancorem, & non jus accusandi remittere. Secundò, cùm plura crima sint fori mixti, ut adulterium, usura, sacrilegium, magia, de uno eorum accusatus & punitus vel ab solutus in foro Ecclesiastico, potest de eodem accusari denuo in foro seculari & à judge seculari puniri. arg. c. felicis §. per hoc quoque de pœnis in 6. Covar. cit. c. 10. n. 6. limit. 11. Abb. inc. tua. de procur. Felin. inc. de his col. fin. Bald. in l. placet. c. de SS. Eccl. Marant. l. c. n. 97. Pith. l. c. limit. 8. Reiffenst. b. t. n. 48. cum communi usu recepta; ex ea ratione; quod cùm jurisdictione Ecclesiastica & secularis sint prorsus distinctæ & separatae, sententia lata vi unius in uno foro, non possit impeditre ferendam vi alterius in alio foro, pariendo exceptionem rei judicatae; adeoque nec pœna spiritualis inflicta in foro Ecclesiastico pœnam temporalem infligendam in foro seculari, & è converso; quod ipsum tamen limitant Clar. cit. q. 57. n. ult. Jo-And. in cit. c. felicis. Covar. perh. Reiffenst. ita ut saltē procedat,

si pœna inflicta in uno foro fuit insufficiens & improporionata delicto, vel pœna tantum medicinalis, v. g. excommunicatio. Sic quoque dupli pœna puniri potest reus à diversis judicibus, utrumque competente, dum nimurum pro eodem delicto citatus ab utroque, respectu utriusque fuit contumax eoram neutrō comparando, potest ab utroque puniri pœna consumacæ; in quo tamen casu non punitur dupli pœna pro eodem delicto, quia revera sunt duo delicta, nempe duæ contumacia, cum sint duo contemptus duorum judicum, quorum unusquisque punit contemptum sibi irrogatum. Unde etiam dici nequit puniri bis pro eodem delicto. Ita Marant. n. 98. cum Bart. in L. sepulchri. ff. de sepult. viol. & Abb. in L. quamvis ff. de ius. voc. De cetero dum præter has exceptions seu limitationes responsonis principalis AA. addunt & hanc, quod iteratò quis accusari possit, dum secundus accusator suam suorumque injuriam prosequitur, modò doccat, se accusationem jam ab alio factam ignorasse, juxta l. 7. §. 2. de accus. idipsum sic intelligendum videtur, si prima quoque accusatio facta de crimen publico ab aliquo, cuius offenditam privatam non concernebat; nam nil verat, ut constat ex dictis, fieri accusationem à secundo, etiam scivisser accusationem primam ab alio saltē principaliter quoque offensio factam sive criminaliter, sive civiliter. Sic consanguineus potest acculcare pro injuria consanguinei, qui jam accusaverat, non quidem civiliter, sed criminaliter; accusare enim civiliter tantum potest consanguineus pro consanguineo; nisi offensum habeat in sua potestate, ut patet filium, maritus uxorem, cùm tunc accusando vindicet propriam injuriam, & nomine proprio agat, adeoque pro libitu suo accusare potest, tam civiliter quam criminaliter, quod non possunt alii consanguinei collaterales, v. g. fratres, utpote quorum uno offenso, non dicitur propriè & alter offensus, sed solum dolens de injuria fratri & prædens interesse aliquod affectionis, ut Alex. in l. si finita. ff. de damno infecto. Ita Marant. cit. n. 60. junc. cito n. 61.

Quæst. 18. Qui sunt effectus accusationis, seu quas obligationes, favores, vel odia causet, respectu judicis, accusatoris, accusati?

1. Esp. ad primum. Effectus accusationis respectu judicis, est obligatio, qua ille facta accusatione tenetur inchoare processum captando informationem super persona accusatoris & accusati aliisque, citando reum, qui etiam ante citationem in carceroando illum custodiæ cauâ, ubi necesse est, v. g. ne is testes tubornet, impedit, terreat, vel ne fugiat, dum de fuga suspectus est; modò delictum sit grave, adhincque sufficientia indicia, & semiplena probatio commissi delicti. Clar. §. fin. q. 28. n. 2. Passer. tribun. regul. q. 20. quos refert. Reiffenst. b. t. n. 327. effectus item accusationis respectu judicis & quidem principalis est obligatio, quâ obligatur judex reo legitimè convicto seu probato criminè procedere ad ferendam sententiam de infligenda pœna ordinaria quidem & certa, si talis iure statuta est, aut alias alia extraordinaria arbitria condigne. Pith. b. t. n. 37. cum Holtiensi in summa b. t. n. 12. & Zoëlio in comment. b. t. n. 5. si enim ad hæc tenetur judex facta sibi denunciatione delicti, de qua loquuntur citati AA, multò magis tenebitur ad ea, facta sibi accusatione, utpote fortius urgente inchoare.